




Cylli
llau EM

Dod â'ch dyfarniad credydau treth i ben oherwydd hawliad am Gredyd Cynhwysol



Rydym yn dod â'ch dyfarniad credydau treth i ben oherwydd eich bod chi neu'ch partner yn hawlio Credyd Cynhwysol. Ni allwch gael credydau treth a Chredyd Cynhwysol yr un pryd.

I wneud yn siŵr ein bod wedi talu'r swm cywir o gredydau treth i chi, gwiriwch yr wybodaeth yn eich **Adolygiad o Ddyfarniad** drwy ddilyn y 3 cham hyn.

Cam A

Gwiriwch fod yr amgylchiadau personol y gwnaethom seilio'ch hawliad arnynt ar ddechrau cyfnod eich dyfarniad yn gywir.



Cam B

Gwiriwch fod unrhyw newidiadau a wnaed i'ch hawliad yn ystod cyfnod eich dyfarniad yn gywir. Gallai'r rhain fod yn newidiadau yr ydych wedi rhoi gwybod i ni amdanynt, neu newidiadau yr ydym wedi'u gwneud. Os oes unrhyw newidiadau ar goll, yn anghywir neu os nad ydych wedi rhoi gwybod i ni am unrhyw newid, rhaid i chi roi gwybod i ni nawr. Darllenwch dudalennau 2 i 4 o'r nodiadau hyn i'ch helpu.



Cam C

Gwiriwch eich adolygiad o ddyfarniad. Mae'n bosibl y dangosir manylion incwm gan eich cyflogwr/cyflogwyr a'ch darparwr/darparwyr pensiwn ar eich cyfer chi (a'ch partner). Rhaid i chi wirio a yw'r ffigurau ar gyfer eich incwm yn gywir, ac a oes angen i chi wneud unrhyw addasiadau. Darllenwch dudalen 4 o'r nodiadau hyn i'ch helpu.



A yw'r holl fanylion yn gywir?

Os yw'r holl fanylion yn gywir:

- nid oes yn rhaid i chi wneud unrhyw beth arall
- byddwn yn dod â'ch credydau treth i ben yn awtomatig
- bydd y llythyr Adolygiad o Ddyfarniad TC603UR a ddaeth gyda'r nodiadau hyn yn gweithredu fel eich hysbysiad o ddyfarniad

Ni fyddwn yn anfon hysbysiad o ddyfarniad arall atoch y flwyddyn hon, oni bai eich bod yn rhoi gwybod am newid, felly cadwch eich Adolygiad o Ddyfarniad rhag ofn y bydd ei angen arnoch.



Rhywbeth o'i le?


Os oes unrhyw fanylion yn anghywir, bydd angen i chi roi gwybod i ni nawr.

Mae'n bwysig eich bod yn rhoi gwybod i ni nawr, fel y gallwn sicrhau eich bod wedi cael y swm cywir o arian yn ystod cyfnod eich dyfarniad.

Ffôn 0300 200 1900.


Gwario'ch amgylchiadau personol ac unrhyw newidiadau

Mae'n rhaid i chi roi gwybod i ni ar unwaith os yw'r wybodaeth hon yn anghywir, neu os yw'ch amgylchiadau wedi newid.

-  Am restr lawn o'r newidiadau y mae'n rhaid i chi roi gwybod i ni amdanynt, ewch i www.gov.uk/changes-affect-tax-credits

Hawliadau sengl ac ar y cyd

Mae'ch Adolygiad o Ddyfarniad yn dangos a wnaethoch hawlio fel person sengl, neu ar y cyd fel pâr, ar ddechrau cyfnod eich dyfarniad. Os gwnaethoch hawlio fel pâr, byddwn yn dangos y ddau enw. Mae'r ddau ohonoch yn gyfrifol am sicrhau bod yr holl fanylion yn yr adolygiad yn gywir.

-  Os nad ydych yn siŵr a fydddech yn cael eich ystyried fel rhan o bâr, ewch i www.gov.uk/claim-tax-credits/joint-claims neu ffoniwch ein llinell gymorth.

Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad:


- gwnaethoch ddechrau byw gyda'ch gilydd fel pâr
- gwnaethoch briodi neu ffurfio partneriaeth sifil
- gwnaethoch wahanu oddi wrth eich partner yn barhaol
- gwnaeth eich partner farw

Ble'r ydych yn byw

Mae'ch Adolygiad o Ddyfarniad yn dangos y wlad y buoch yn byw ynddi'r rhan fwyaf o'r amser yn ystod cyfnod y dyfarniad. Os oedd eich prif gartref yng Nghymru, Lloegr, yr Alban neu Ogledd Iwerddon (ond nid Ynysoedd y Sianel nac Ynys Manaw), rydym yn dangos eich bod yn byw yn y DU.

Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad, roeddech chi (a'ch partner):

- wedi gadael y DU yn barhaol
- wedi mynd dramor am absenoldeb dros dro a barodd fwy nag 8 wythnos (neu fwy na 12 wythnos os aethoch dramor oherwydd eich bod yn sâl, neu oherwydd bod aelod o'ch teulu yn sâl neu wedi marw)
- wedi colli'ch hawl i breswyllo yn y DU

-  Am ragor o wybodaeth, ewch i GOV.UK a chwilio am WTC/FS6.

Anabledd – oedolion

Os oedd gennych anabledd, a chawsoch elfen anabledd neu elfen anabledd difrifol y Credyd Treth Gwaith, fe'i dangosir ar eich Adolygiad o Ddyfarniad.

Gwnewch yn siŵr eich bod wedi rhoi gwybod i ni os gwnaethoch chi (a'ch partner) ddechrau neu stopio cael budd-dal cysylltiedig ag anabledd cymwys, a oedd yn eich galluogi i hawlio'r elfennau anabledd neu anabledd difrifol o gredydau treth.


-  Am ragor o wybodaeth, ewch i gov.uk/cymraeg a chwilio am TC956.

Eich gwaith, budd-daliadau a chyflogaeth

Mae'ch Adolygiad o Ddyfarniad yn dangos y wlad y buoch yn gweithio ynddi'r rhan fwyaf o'r amser, a chyfanswm yr oriau y gwnaethoch eu gweithio bob wythnos fel arfer am dâl. Bydd hefyd yn dangos a gawsoch Gymhorthdal Incwm, Lwfans Ceisio Gwaith ar sail incwm, Lwfans Cyflogaeth a Chymorth ar sail incwm neu Gredyd Pensiwn.

Gwnewch yn siŵr eich bod wedi rhoi gwybod i ni os ydych chi neu'ch partner (os oedd gennych un) yn ystod cyfnod eich dyfarniad:

- wedi cael Credyd Treth Gwaith a bod eich absenoldeb mamolaeth wedi para mwy na 39 wythnos
- wedi rhoi'r gorau i weithio neu wedi colli'ch gwaith
- wedi newid eich oriau gwaith arferol fel bod y naill neu'r llall ohonoch wedi gweithio llai nag
 - 16 awr yr wythnos
 - 24 awr yr wythnos
 - 30 awr yr wythnos (ar gyfer parau sydd â phlant, rhaid i un ohonoch weithio o leiaf 16 awr. Rhaid i chi adio'ch oriau gwaith at ei gilydd er mwyn i chi allu penderfynu a ydych yn gweithio llai na 24 neu 30 awr)
- wedi cael elfen anabledd y Credyd Treth Gwaith ac wedi dechrau gweithio am lai nag 16 awr yr wythnos
- wedi cymryd rhan mewn gweithredu diwydiannol am fwy na 10 diwrnod yn olynol
- wedi dechrau neu stopio cael Cymhorthdal Incwm, Lwfans Ceisio Gwaith ar sail incwm, Lwfans Cyflogaeth a Chymorth ar sail incwm neu Gredyd Pensiwn
- wedi cael incwm o hunangyflogaeth
- wedi stopio bod yn analluog i weithio, yn glaf mewn ysbyty, yn y carchar neu yn y ddalfa'n aros achos llys neu ddedfryd
- â hawl i Lwfans Gofalwr


-  Am ragor o wybodaeth, ewch i gov.uk/cymraeg a chwilio am WTC2.

Eich plant a phobl ifanc cymwys

i Ers 6 Ebrill 2017, mae'r newidiadau canlynol wedi'u rhoi ar waith:

- ni ddyfernir elfen plentyn unigol y Credyd Treth Plant mwyach ar gyfer trydydd plentyn a phlant dilynol nac ar gyfer pobl ifanc cymwys ar aelwyd, a aned ar neu ar ôl 6 Ebrill 2017, ond mae rhai eithriadau – am ragor o wybodaeth, ewch i www.gov.uk/guidance/child-tax-credit-exceptions-to-the-2-child-limit.cy
- bydd elfen deuluol y Credyd Treth Plant yn daladwy dim ond os ydych yn gyfrifol am blentyn neu berson ifanc cymwys a aned cyn 6 Ebrill 2017

Nid yw rhoi cymorth i uchafswm o 2 o blant yn gymwys i elfen gofal plant y Credyd Treth Gwaith nac elfen anabledd y Credyd Treth Plant. Gallwch hawlio'r 2 elfen hyn ar gyfer yr holl blant sy'n bodloni'r amodau.

 Am ragor o wybodaeth, ewch i gov.uk/cymraeg a chwilio am WTC5 (elfen gofal plant) neu TC956 (elfen anabledd plant).

Er mwyn sicrhau nad ydych yn colli'r cyfle i gael yr hyn y mae gennych hawl iddo, dylech dal i roi gwybod am enedigaeth plentyn ac unrhyw newidiadau'n ymwneud â'ch plant neu bobl ifanc, hyd yn oed os na fyddwch yn cael yr elfennau plentyn neu deuluol ar eu cyfer.

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad:

- gwnaeth y nifer o blant neu bobl ifanc yr oeddech yn gyfrifol amdanynt newid, er enghraifft, gwnaeth y nifer – gynyddu oherwydd ymunodd plentyn neu berson ifanc â'ch teulu neu cafodd ei osod gyda'ch teulu i gael ei fabwysiadu, neu oherwydd ganed baban
 - ostwng oherwydd gadawodd plentyn neu berson ifanc eich teulu, er enghraifft, fe'i cymerwyd i ofal, cafodd ei faethu neu ei fabwysiadu gan deulu arall, neu cafodd ei gadw yn y ddalfa am fwy na 4 mis ar ôl ei gael yn euog gan lys a'i ddedfrydu, neu bu farw
- bu unrhyw newidiadau a effeithiodd ar addysg amser llawn nad yw'n addysg uwch neu hyfforddiant cymeradwy person ifanc cymwys, er enghraifft
 - gwnaeth person ifanc y cawsoch Credyd Treth Plant ar ei gyfer adael addysg amser llawn nad yw'n addysg uwch neu hyfforddiant cymeradwy cyn iddo gyrraedd 20 oed, neu rhoddodd y gorau i fod yn gofrestredig â gwasanaeth gyrfaedd, gwasanaeth Connexions, neu wasanaeth cyfatebol
 - gwnaethoch roi gwybod i ni eich bod yn disgwyl i berson ifanc barhau mewn addysg amser llawn nad yw'n addysg uwch neu hyfforddiant cymeradwy ar ôl 31 Awst yn dilyn y dyddiad gwnaeth droi'n 16 oed, ond ni wnaeth y person ifanc hynny yn y pen draw
 - gwnaeth person ifanc ddychwelyd i addysg amser llawn nad yw'n addysg uwch neu hyfforddiant cymeradwy, a gwnaeth naill ai ddechrau, ymrestru ar gyfer, neu gael ei dderbyn ar gwrs cyn iddo gyrraedd 19 oed
- gwnaeth person ifanc cymwys ddechrau mewn cyflogaeth â thâl, neu cafodd fudd-daliadau ei hun, er enghraifft Credyd Cynhwysol
 - dechreuodd gael ei hyfforddiant o dan gytundeb cyflogaeth
 - cofrestrodd gyda gwasanaeth gyrfaedd cymwys ar ôl gadael addysg amser llawn nad yw'n addysg uwch neu hyfforddiant cymeradwy, ac roedd mewn gwaith â thâl am 24 awr yr wythnos neu fwy

Mae'r elfen plentyn ar gyfer person ifanc 16, 18 neu 19 oed yn dod i ben yn awtomatig bob blwyddyn, oni bai eich bod wedi rhoi gwybod i ni ei fod yn parhau mewn addysg amser llawn nad yw'n addysg uwch neu hyfforddiant cymeradwy.

Anabledd – plant a phobl ifanc

Mae'n bosibl eich bod wedi cael Credyd Treth Plant ychwanegol am fod gan eich plentyn anabledd.

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad, gwnaethoch ddechrau neu stopio cael y canlynol:

- Lwfans Byw i'r Anabl (DLA) neu elfen gofal cyfradd uwch y Lwfans Byw i'r Anabl ar gyfer eich plentyn
- Taliad Annibyniaeth Personol (PIP) neu elfen bywyd bob dydd ychwanegol y Taliad Annibyniaeth Personol ar gyfer eich plentyn
- Taliad Annibyniaeth y Lluedd Arfog ar gyfer eich plentyn


Dylech hefyd fod wedi rhoi gwybod i ni:

- os oedd y plentyn neu'r person ifanc wedi'i ardystio fel unigolyn â nam difrifol ar ei olwg, neu'n ddall, gan offthalmolegydd ymgynghorol, neu wedi peidio â chael ei ardystio mwyach fel unigolyn â nam difrifol ar ei olwg, neu'n ddall, gan offthalmolegydd ymgynghorol, yn y 28 wythnos cyn dyddiad eich hawliad
- os nad oedd y plentyn neu'r person ifanc wedi'i ardystio mwyach fel unigolyn â nam difrifol ar ei olwg, neu'n ddall, gan offthalmolegydd ymgynghorol

 Am ragor o wybodaeth, ewch i gov.uk/cymraeg a chwilio am WTC2 a darllenwch dudalen 6.

Costau gofal plant

Mae'ch Adolygiad o Ddyfarniad yn dangos y costau gofal plant wythnosol cyfartalog y rhoesoch wybod i ni eich bod yn disgwyl eu talu. Bydd hefyd yn dangos unrhyw newidiadau gofal plant y gwnaethoch roi gwybod i ni amdanynt yn ystod cyfnod eich dyfarniad. Rhaid i chi wirio a yw'r manylion hyn yn gywir. Rhowch wybod i ni os ydynt yn anghywir.

 Gallwch ddefnyddio'r gyfrifiannell ar-lein – ewch i www.gov.uk/childcare-costs-for-tax-credits

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad:

- aeth eich costau gofal plant wythnosol cyfartalog i fyny neu i lawr £10 yr wythnos neu fwy
- gwnaeth eich darparwr gofal plant beidio â bod yn gofrestredig neu'n gymeradwy at ddibenion credydau treth
- gwnaethoch ddechrau defnyddio darparwr gofal plant nad oedd wedi ei gofrestru na'i gymeradwyo at ddibenion credydau treth
- gwnaethoch ddechrau defnyddio perthynas i ofalu am eich plentyn, yng nghartref y plentyn
- gwnaethoch ddechrau talu am ofal plant cofrestredig a chymeradwy ac rydych bellach yn gallu hawlio help gyda chostau gofal plant drwy'r Credyd Treth Gwaith
- stopiodd eich costau gofal plant
- cyrhaeddodd eich plentyn ei ben-blwydd yn 15 oed (neu ei ben-blwydd yn 16 oed os oedd yn anabl)
- gwnaethoch ddechrau cael help gan rywun arall tuag at eich costau gofal plant, er enghraifft, talebau gofal plant

 Am ragor o wybodaeth am gostau gofal plant, ewch i gov.uk/cymraeg a chwilio am WTC5.

Eich incwm

Incwm o gyflogaeth ac incwm o bensiynau galwedigaethol

Gall eich Adolygiad o Ddyfarniad ddangos incwm y mae eich cyflogwr/cyflogwyr neu ddarparwr/ddarparwyr pensiwn galwedigaethol wedi'i roi i Gyllid a Thollau EM. Y ffigur ar eich Adolygiad o Ddyfarniad fydd cyfanswm yr incwm a roesant ar gyfer y cyfnod hwn. Mae'n bosibl y byddwch yn gallu gwneud didyniadau o'r ffigur hwn. Rydym yn esbonio rhai o'r didyniadau y gallech o bosibl eu gwneud isod. Os oes gennych fwy nag un cyflogwr neu ddarparwr pensiwn galwedigaethol, caiff cyfanswm yr incwm o bob un ohonynt ei ddangos. Os ydych yn hawlio fel pâr, ac mae'r ddau ohonoch yn gweithio, caiff eich incymau unigol eu dangos ar wahân. Dyma'r ffigurau incwm y byddwn yn eu defnyddio i gwblhau'ch hawliad, felly mae'n bwysig eich bod yn rhoi gwybod i ni os ydych yn credu eu bod yn anghywir.

Mae incwm rydym yn ei ddefnyddio i gyfrifo'ch credydau treth yn cynnwys:

- enillion o gyflogaeth – defnyddiwch eich slip cyflog diwethaf cyn y dyddiad y daeth cyfnod eich dyfarniad i ben, er enghraifft
 - os daeth cyfnod eich dyfarniad i ben ar 5 Hydref ac rydych yn cael eich talu'n fisol, dylech ddefnyddio'ch slip cyflog ar gyfer mis Medi
 - os ydych yn cael eich talu'n wythnosol, defnyddiwch eich slip cyflog diwethaf sy'n dangos y cyflog a gafwyd ar neu cyn 5 Hydref
 - defnyddiwch y ffigur 'cyfanswm cyflog hyd yma' ar y slip cyflog hwn
 - os oes gennych P45 am eich bod wedi rhoi'r gorau i weithio yn ystod cyfnod y dyfarniad, defnyddiwch y ffigur 'cyfanswm cyflog hyd yma'
- pensiynau galwedigaethol – defnyddiwch ddatganiadau'ch darparwr pensiwn neu'ch cyfriflenni banc i gyfrifo faint a gawsoch ar gyfer cyfnod y dyfarniad, fel y'i dangosir ar eich Adolygiad o Ddyfarniad
- rhai buddiannau y mae'n bosibl y cawsoch chi neu'ch partner, os oedd gennych un. Mae'n bosibl bod manylion ar eich slip cyflog, neu hysbysiadau cod P11D neu P2 a gawsoch ar gyfer blwyddyn flaenorol

Didyniadau


Mae'n bosibl y bydd didyniadau y gallwch eu gwneud wrth gyfrifo'ch incwm ar gyfer credydau treth. Er enghraifft, gallwch ddidynnu hyd at uchafswm o £100 bob wythnos o'ch tâl Mamolaeth, Tadolaeth, Rhiant ar y Cyd a Mabwysiadu Statudol. Bydd angen i chi roi gwybod i ni hefyd a gawsoch unrhyw incwm hunangyflogedig, er enghraifft, am i chi ddechrau bod yn hunangyflogedig yn ystod cyfnod eich dyfarniad. Ffoniwch ein llinell gymorth os yw hyn yn berthnasol i chi.


Incwm arall

Mae incwm y bydd angen i chi roi gwybod i ni amdano yn cynnwys:


- rhai budd-daliadau nawdd cymdeithasol trethadwy – cyfanswm eich budd-daliadau nawdd cymdeithasol trethadwy chi (a'ch partner) (Cofiwch eithrio'r Lwfans Ceisio Gwaith ar sail incwm a'r Atodiad Lwfans Gofalwyr os ydych yn byw yn yr Alban)
- unrhyw incwm arall – cyfanswm eich incwm arall chi (a'ch partner), er enghraifft, incwm o gynilion ond nid Cymorth i Gynilo, peth incwm rhentu neu Bensiwn y Wladwriaeth

Bydd dim ond angen i chi roi gwybod i ni am incwm a gawsoch yng nghyfnod y dyfarniad ar eich Adolygiad o Ddyfarniad.


 I gael rhagor o wybodaeth am incwm, ewch i www.gov.uk/tax-credits-working-out-income

 I gael taflenni gwaith i'ch helpu i gyfrifo'ch incwm, gan gynnwys unrhyw fuddiannau a didyniadau, ewch i gov.uk/cymraeg a chwilio am Nodiadau TC603URD.

Os oes angen help arnoch:

 ewch i www.gov.uk/browse/benefits/tax-credits

- ffôn 0300 200 1900
- ffôn testun 0345 300 3909

 08:30 – 17:00, Dydd Llun – Dydd Gwener. Ar gyfer oriau agor y llinell ffôn testun, ewch i www.gov.uk/contact-hmrc

- ffoniwch 0300 200 1900 i gael fersiynau Cymraeg o ffurflenni a chanllawiau